

中國大運河歷史文獻集成

27

主編 王鑾 李泉

國家圖書館出版

# 中國大運河歷史文獻集成

27

主編 王雲 李泉

國家圖書館出版社

第二十七册目錄

直隸水利圖說 中……

一於滹沱寺少卿賈允升奏為恭請挑濬城河以利清運事  
竊臣查今歲糧船遲滯春夏之交因王母山貓兒窩一帶  
淺阻所致至七八月三進船已入東境又因臨清開口捫  
阻兩月不得啟板放行

入度正供如此遲滯善後之事不得不預籌也故城以南河道

臣所未經難以臆度謹就臣所親見有必須急為修整者

伏查臨清口內各泉滙萃濟運俱屬清水湖外衛河則係  
濁水衛河水長高於開門則不敢啟板放船恐濁水倒灌  
清水淤墊也臣查故城迤北天津迤南舊有減水河四道  
一在恩縣之四女寺一在海豐之哨馬營一在滄州之捷  
地一在青縣之興濟每遇伏秋盛漲此四減河開通洩水

向來臨清偶有捫阻多不過三五日皆四減河宣洩之力  
臣四月間因在天津巡漕任內迎提南糧路經興濟捷地  
兩河查看河道雖未為深通尚可洩水至哨馬營四女寺  
則石壩傾圮河身高仰已為民間佔種禾麥實不足以資  
宣洩即夾片奏請修復舊制蒙

皇上諭令山東巡撫估挑四女寺哨馬營二河工在案山東撫

臣果於其時遵奉

諭旨及時興修一律疏濬俾復舊規盛漲之時水有所洩何至  
七八月間有臨清捫阻之事無如東省於奉

旨之後僅將四女寺一河畧加挑挖而舊日河面寬二十餘丈  
此次所挖不過數丈其河底又未挑深仍不足以資宣洩

或有泥河之名仍無挑河之實豈能收挑河之效嗣於六月二十二日衛河水漲臨清捫口水無所洩五十餘日糧艘不得開行八月十四日山東署撫臣楊志信決四女寺河堤洩水一晝夜間而臨清捫口已開因宣洩大急民間田廬有被淹沒者夫以五十餘日之捫阻決四女寺堤而一旦開通可知減水河之有關於運河誠非細也今欲預防臨清之捫口必須挑挖減河使復挑之後又必須籌歲修之款使減河永無淤墊之患則臨清亦永無捫阻之虞且減河之利水大則自然宣洩水小則有石壩蓄水濟運蓄洩得宜運河堤工保固瀕河居民亦可免水患再臣查四女寺哨馬營二河雖在山東其下游則經歷直隸之

吳橋鹽山慶雲等縣仍由山東之樂陵海豐等處入海地  
勢犬牙相錯近數十年兩省互相推諉以致遷延廢事今  
欲挑濬使復舊制必須兩省督撫會同勘估各飭所屬實

與修臣愚請

勅下直隸總督山東巡撫於今冬來春及時查勘督率挑挖各  
專責成勿再推諉觀望庶於河運得有實效更請酌定歲  
修章程永不廢弛則利運防河善後之務也臣愚昧之見

伏乞

皇上訓示謹

奏

一、直隸總督溫承惠奏為東省四女寺下游直境老黃河

工段請照原估續挑緣由恭摺奏

聞事竊照直隸吳橋寧津南皮鹽山等縣境內老黃河道係山

東四女寺支河之下游臣於上年六月間遵

旨籌辦飭委天津道沈長春帶同委員逐段確估共需銀一萬

八千六百二十餘兩當經開具工段丈尺清單

奏奉

諭旨允准動撥銀兩發交天津道督率趕辦旋准東省咨會因

臨清捫口先將四女寺滾水壩啟板宣洩庶閘內重運可

以出口惟時吳橋等縣雖已興工尚未完竣不及緩待當

即飛飭各該縣晝夜集夫將河槽先趕緊挑深二三尺東

省啟壩放水到境得以流注無阻隨將各工暫停挑挖已  
領銀兩提貯道庫並將已辦工段丈尺核明登記俟東省  
挑工定局再為查勘估辦亦經

奏明在案嗣因鴻臚寺少卿賈允升

奏請挑濬減河以利漕運欽奉

上諭着溫承惠吉綸派委明幹大員詳細履勘會籌妥辦以期

疏治深通等因欽此臣遵即飭令天津道沈長春詳加覆勘

並咨會山東撫臣吉綸去後茲准吉綸來咨四女寺支河

業經覆加勘估加展寬深奏明即日興工挑辦其哨馬營

河身廿廣挑挖等因並據天津道沈長春帶同原估各員

查照上游挑工丈尺核計本境河淤形勢逐段查量順勢

又據所有上年原估丈尺已足以資暢注毋庸另行加展  
稟覆前來臣查上年原估丈尺本屬寬深既據勘明上游  
交界工程下游止須查照原估辦理所有銀數亦毋庸議  
加現即飭令該道將提貯銀兩照數分給該縣領回擇吉  
開工查照原估丈尺接續挑辦責成該道督率經理事竣  
具報臣親往驗狀不任稍有浮冒偷減務期疏濬深通以

仰副

皇上衛民利漕之至意再查直東兩省減河原係宣洩夏秋間  
漳衛諸河異漲之水漳衛水性渾濁挾沙而行水過沙積  
印行淤積每當大汛之後必須議設歲修銀兩年年疏挑  
庶可期其久遠應請俟本年挑辦後經歷伏秋汛期察看

停添約計歲修需費若干再行籌款請  
旨辦理為此恭摺具

奏伏乞

皇上睿鑒謹

奏嘉慶十三年三月二十九日奏

一、直隸總督溫承惠奏為省城南關外橋座泊岸坍塌河  
灘淤墊亟須修濬恭摺具奏仰祈

聖鑒事竊照省城南關外天水橋一座係省南運送文報及商  
販經由要道橋下河道名曰府河東達天津其濱河泊岸  
疊道車馬往來絡繹不絕歷經動項修理有案茲橋座雁  
翅俱有坍塌微裂海漫牙石亦多殘壞而府河自橋東起  
至紙方頭村止長一百五十七丈寬五丈至九丈不等日  
久淤墊船隻行走未能便利又泊岸疊道屢被河水冲汕  
形勢逼仄嘉慶十一年前任清苑縣顧翼估計尚未興工  
數年坍塌愈多漸至車馬難行據署清苑縣劉青蓮呈請  
動項分別修濬當飭清河道孫樹本督飭勘估以上三項

工程共需銀五千三百七十餘兩前來臣因公出郊目擊情形實係必須修濬刻不可緩之工查天水橋係嘉慶二年動項修理府河係乾隆四十六年挑濬沿岸壘道係五十五年修築准銷有案均在保固限外估計所估工料土方銀兩尚無浮冒相應

奏懇

天恩俯准分別修濬以利行旅如蒙

俞允所需銀兩在於清河道庫濬沱河籌備生息項下動撥給發事竣造冊報銷除飭取估勘冊結另行

題估外理合恭摺具

奏伏乞

奏什也

皇上

奏嘉慶十五年四月

日奏

王文六縣民馬景行等呈控河間縣民毀堤害鄰一案經  
臬司回輿遵

旨勘明具

奏聲明原建王蕃二閘業已淤平請將舊閘之南杜各村對  
面堤外河溝一道開挖深通務建石閘以資宣洩又子牙  
河大堤漸多殘缺應行粘補加培者不少請另委員確切  
估計籌議款項由督臣

奏請

聖訓辦理奉

旨着交胡季堂妥議具奏欽此前督臣胡季堂未及籌議新任  
督臣姜晟到直尚需時日此項工程正應乘此冬令閒暇

之時詳籌估計庶來歲春融得以趕緊辦理臣與同興再  
四商酌查永定河道王念孫請練河務辦事認真現在求  
賢仄壩祇須籌備物料尚無急辦要工隨即知會該道帶  
同熟諳河員前至河間大城等處逐段履勘確切估計臣  
再親往覆勘籌議款項

奏請

訓示祇遵合先附摺

奏明謹

奏

北運河水利事宜

一河道

一淀泊  
附溝渠

一堤防

一閘壩  
附橋座

一官汛

一修治